



Nuuk ulloq 26. juuli - 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

- 1. Naalakkersuisut kanngutsaattuliorfineqarsimasut pillugit suliniutissatik qaqugu naammassissagavaat tassani innersuussutigissuara § 37 naapertorlugu apeqqutinnut nr. 92-mut akissut aamma qaqugu saqqummiunneqassamaarpa tamanut taamatullu Inatsisartunut?**
- 2. Qarasaasiami inuit naapittarfiini kinguaassiutitigut kanngutsaattuliortarneq pillugu pinaveersaartitsinissamut Inatsisartut akuersissutaat qanoq piviusunnngortinneqassamaarpa taamatullu nunami maani meeqqat atuarfiini toqqissisimanartumik inuuneqarnissaq kiisalu meeqqanik atoqateqartartut groomingertarnerat pillugit ilinniartitsinissaq qanoq piviusunnngortinneqassamaarpa?**
- 3. Naalakkersuisut oqartussaaffiinni nunami maani meeqqanut kinguaassiutitigut kanngutsaattuliortarnerit pinaveersaartinniarlugit suliniutit maannakkut aallartinneqarnikuuppat?**
- 4. Meeqqanut kinguaassiutitigut kanngutsaattuliortarnernik pinaveersaartitsinerit kanngutsaattuliorfigineqarsimasunillu katsorsaasarnissat pillugit suliniutit suut kommunini aallartinneqarnikuuppat?**

Tunngavilersuut:

§37 naapertorlugu apeqqutinnut nr. 92-mut atatillugu demokrati naapertorlugu pisinnaatitaaffiit aamma tunngaviusumik inatsit naapertorlugu pisinnaatitaaffii malillugit Naalakkersuisut akissuteqaanngillat ataani atsiortoq aperimmat suut suliniutit aallartinneqarsimanersut, Naalakkersuisut taamaallaat allammata; issuaaneq aallartippoq: "Kommunini kommunit nammineq aqupput. Inunnilli Isumaginninnermut Aqutsisoqarfik kommuninut qanimut attaveqartuupput ilaatigut eqqarsaatigalugit kinguaassiutitigut kanngutsaattuliortarnerit pinaveersaartinnissaat". Inatsisitigulli Naalakkersuisut pisinnaatitaareerput kommunini inunnik isumaginninnermut malittarisassanik atorunnaarsitsigallarsinnaallutik aamma Naalakkersuisut ministeritulli akisussaatinneqarsinnaatitaapput Tunngaviusumik inatsit naapertorlugu taamaattumik Naalakkersuisoqarfiup nakkutigeqqissaartussaavaa ilaatigut immikkoortumi qanoq ingerlatsisoqarnerisq.

Suleqatigiissitsisuni aamma erseqqissaassutigissuarput Inatsisartut Naalakkersuisullu pillugit Inatsisartut inatsisaanni nr. 26-mi, 18. november 2010-meersumi § 12: inatsisartunut ilaasortaqaq pisortat suliaasaqarfii pillugit paasissutissanik pissarsinissaminik kissaateqarpat, tamanna Naalakkersuisunut apeqquteqarnikkut pisinnaasooq, tamannali malinneqanngilaq § 37 naapertorlugu apeqqutinnut nr. 92-mi apeqqummut 4-mut atatillugu, neriuppugullu tamanna taamaallat ulapinnermik pissuteqartoq demokrati tunngavigalugu sullissinissamut suusupaginninnerunani



SULEQATIGIISITSISUT
SAMARBEJDSPARTIET

Inatsisartuni ilaasortat apeqqutaat akineqartartussaammata. Taamaattumik Suleqatigiissitsisut neriutigaarput, tamatumuuna tamakkiisumik akissuteqarfigineqarumaarluta.

Soqutiginninneq tunngaviuvoq aamma innuttaasut partiillu - sualummik qineqqusaarnerup nalaani - immikkut pineqartoq eqqumaffigimmassuk soqutigalugulu, paasissallugu suut asuli qineqqusaarutaannaanatik suliniutigineqarnersut, paaserusupparpummi suliniutit tigussaasut pilersaarutillu suut aallartinneqarsimanersuq kinguaassiutitigut kanngutsaattuliorfigineqarsimasut ikiorniarlugit.

Sualummik meeqqat inuusuttullu eqqarsaatigalugit kiisalu qulaani taaneqartut pilersaarutit suliniutillu qanoq qaqugulu aallartinniarneqarnersut qularnaarumallugu innuttaasut kinguaassiutitigut kanngutsaattuliorfigineqarsimasut qularnaarumallugu ikiorneqarnissaat pisinnaatitaaffiilu.

Apeqqutit akeqquneqarput ullut nalignnaasumik sulliviit qulit iluanni.

Inussiarnersumik inuulluaqqusillunga

Tillie Martinussen
Samarbejdspartiet - Suleqatigiissitsisut